



第一三四一冊

四庫全書

●上海古籍出版社

本冊目次

文苑英華(九)

宋李昉等奉敕編……一

欽定四庫全書

集部

文苑英華卷七百九十八至八百

欽定四庫全書

文苑英華卷七百九十八

宋 李昉等 編

廳壁記二

尚書省

吏部尚書壁記一首 兵部尚書壁記一首

吏部郎中廳壁記一首

吏部員外郎南曹廳壁記一首

司門員外郎壁記一首

欽定四庫全書

文苑英華
卷七百九十八

御史臺

御史大夫壁記一首

監祭使壁記一首

諸使兼御使中丞廳壁記一首

尚書省

吏部尚書壁記

孫 述

吏部尚書在周為太宰之職其建設徒屬敷陳事典則周官備之矣秦滅古法始置尚書漢增其制創立選部

詳校官監察御史臣沈孫述

助教臣常循覆勘

總校官進士臣來 鈐

校對官助教臣黃昌祺

謄錄監生臣劉宗望

故靈帝以梁鵠為選部尚書是矣魏改選部尚書為吏部尚書自晉宋至於北齊皆因之宇文朝依周官置大冢宰卿一人蓋其任也隋革周制復曰吏部尚書皇朝龍朔二年改為司列太常伯咸亨元年復為吏部光宅元年改為天官尚書神龍元年又為吏部尚書綜九流之要為六官之長位尊任重實在于此自武德已來多以宰相兼領一彼一此更為出入才難不其然乎皇帝在位一有之二十二年缺其官選于眾乃命武都公自

欽定四庫全書

文苑英華
卷七百九十八

兵部尚書拜焉公地惟宗英才則人傑忠孝自律於嚴成憲式是軌度諒于衡石國之利也所及遠哉天監有唐俾多吉士踐此位者四十八人嘉名已著於國史故事宜存於臺閣繫以日月自得春秋之義記其代遷更是公卿之表以備官學列為壁記焉

兵部尚書壁記

杜 頤

周官大司馬即今兵部尚書官屬掌邦國之政以九法封國以九伐正邦以籍我畿以倡我牧弘有萬類阜成

凡民計募戎馬之事密勿鈞衡之地自我唐受命迄于今居夏官者眾焉或列於台階者蓋寡矣所以任必以親以德以勲以賢穆如清風翼我玄化率惟茲有典用保人有邦三十一年冬十二月詔工部尚書李公典之

欽定四庫全書

文苑英華
卷七百九十八

政敷於時道濟於物優游學府蔚為詞宗以公族之英受親賢之寄屬冢宰虛位官更要才載委天衡是掌理邦政東巡歲夏四月皇帝將崇厥德報厥功乃命丹從兄開府儀同三司持節朔方節度副大使兼禮部尚書

三

上柱國信安郡王禕禮樂天付衣冠人秀忠以匡濟文以經綸謀明道高功格化洽昭乃王度簡于帝心九命可以見其賢四征可以觀其績鎮朔方以無名之討八年而北虜平攻右堡以不陣之師一句而戎狄服榆關之役用兵以奇故仗鉞而兵勝大河之戰戒軍以嚴故坐帷而軍健建奉常之禮則神人協上下和從夏卿之政則萬國平六卿睦辦九州之國一作知其姦宄同其貫利掌六馬之物駕理以則講獻以時握五兵之要以

辨功理以待軍事此九職司馬政之所統也王勤政以

和是以戎翰允輯振旅以蒐舍禽周禮作以苗理治禮

作治以獮大閱以狩此四田司馬教之所被也王敦教

以就禮是以祀典孔明初則以法示其令也終則以伐

則其德也九功惟叙九叙惟歌是用陳既往之烈繫今

來之美以書于壁

吏部郎中廳壁記

獨孤及

太微五帝星座後十五星曰郎位秦漢之君則而象之

欽定四庫全書

文苑英華
卷七百九十八

乃建郎中集作至魏世祖分尚書曹為六郎各六人今

之吏部魏之選曹也掌選舉銓覈以正公卿大夫士郎

吏之品位凡廢置之柄官府之序歲終令天下郡縣會

計致事而郎官起草立議操而成之然後尚書受成於

郎中郎中之選非鈔金百鍊顏集作旋一作弓六鈞弗與也故

居官者不由選曹郎而進固以見其才之餘地亦猶刀

劍之刃未嘗屠大牛集作切大玉則雖曰我且必為

鏤鉚人猶疑之由其途而升驟必環周三臺翰飛兩掖

登喉古秉刀尺者什七八集作諸曹郎莫敵也歲在乙

巳河南賀若公用貞幹諒直實蒞厥任任歲公為集有

外郎也東曹朗然如得水鏡治餘抗也吳人熙熙若逢

陽春今也來思集作八法在手操割成務彌綸舊章厥

集作如初政嘗以前哲軌躅我之韋絃而武德以來解

署鼎新者數官曹易名者五若姓不表年不紀是廢德

也將來何觀故謹而列之俾我曹之春秋存乎座右於

選部司列天官文部之目各因其所革時之先後冠於

欽定四庫全書

文苑英華
卷七百九十八

其首以為志云

吏部員外郎南曹廳壁記 權德輿

漢廷尚書郎辨章制度主文書起草之任東漢方冠以

曹名用諸曹功次起卓者轉遷選部魏晉已還其任寔

劇國家紀律昭明官脩文粹其方凡薦紳之倫未命為

大夫者滿歲皆調於較下啟事賦祿必先有司初上元

中天官趙郡李敬立號為稱職以覆視官簿差次裁成

端本肇末不得不重文粹乃請外郎一人顧南曹

之任其後或詔同曹郎分主之或詔他曹郎權居之皆

難其才而慎斯

文粹

作其舉也大抵膺是

二字集

命者多士

必屬耳目焉以其公私

集本

能否之間

集作

不可遏

集作

也以事之委會吏之奇妄因緣訛故

或作

中或作

若市道居之者通則闊畧守或深刻苟成績於是則翰

飛不暇登二掖贊六職得之夷易疾若傳置太原王仲

舒字弘中溫毅廉直清方敏實風樂資才邁乎群倫貞

元十年冬繇諸侯部從事賢良對策歷左右諫列議曹

欽定四庫全書

文苑英華

卷七百九十八

六

考功郎十八年實受斯命類能故也於是用心堅明忠

恕循理官業程品具舉尤違自絕然後以狀之成實於

冢宰小宰罷遣者不諱受祿者不誣恢恢然投其虛而

芒刃不頓君子以弘中之道為折中矣昔春秋書士穀

曰堪其事也魯語曰署所以朝夕度君命也今因官署

而舉事任春秋丘明之志也至若龍朔咸亨改闕之說

此皆不書

司門員外郎壁記

前人

周官司門為司徒之屬今為司寇之屬員外郎於周為

上士後數更其名至隋為承務郎武德初定為令制秩

從六品上大凡自漢魏已還典曹理事雖時有汙崇官

有輕重或百職耗廢雜而多端而即位敏然未嘗有國

莽進越非其任者蓋宗公貴任多由此塗出所以儲時

集作

明才練官業必於是焉方今車書尉侯通道旁午而

斯任尤劇彭城仲子陵脩詞而望任說經有師道自博

士祠部郎稍遷于茲且以南輟

集作

銓藻之勤久次而

欽定四庫全書

文苑英華

卷七百九十八

七

後至脩性自牧闇然君子之道也況大雅之匪懈孔門

之政事古誼家法久於講貫遵脩砥礪其可量邪至若

門闕出入之籍設險閑邪之義議而不征守而不紊列

在令典

集作

端如貫珠故可畧於此仲侯以故志屋壁

之隙欲

集無

此字壞磨滅使鄙夫書而補之貞元辛巳歲夏

六月記

御史臺

御史大夫壁記

李華

君以文明照臨百官糾其邪職有

文集作在

邦憲由京師

而端下國王化所繫不唯威刑御史大夫其任也用捨

決於天心得失震於人聽舉直措枉果而不撓則公卿

屏氣道路生風率其屬以正于朝瞻我衣冠不仁者遠

苟異於是為君子羞政之雄雌與德輕重故名公在位

天下仰賴焉泰官有御史大夫在漢為三公職副丞相

闕則大夫遷或名司空或復舊號史足徵也議大政必

下丞相御史其廷署古曰府近曰臺其衣冠章綬品秩

欽定四庫全書

文苑英華卷七百九十八

所規載於甲令聖朝臣唐虞高尚之賢內周漢不賓之

俗登人於五福薦樂於九歌帝德廣運而瑞草生天威

震動而神羊至故柱石骨鯁之老更拜焉距義寧至先

天登宰相者十二

或作一十人

以本官參政事者十三人故

相任者四人藉威聲以稜檄外按戎律者八人官或改

稱大司憲臺或分為左右肅政罷置不恒從所宜也開

元天寶中刑措不用元元休息由是務簡益重地清彌

尊任難其人多舉動德至宰輔者四人宰輔兼者二人

故相任者一人兼節度者九人異姓封王者二人尊號

加孝德之明年樂成公自尚書左丞兼文部遷崇德也

昭融禮經嗣續文雅張仲孝友山甫將明風度可以師

長人倫動靜可以訓齊天下喬岳鎮定嘉量平均心為

百行之宗體備四時之氣雅有之曰文武吉甫萬邦為

憲樂成有焉至若教行於無訟之前慮辨於未萌之始

未萌而慮則求煩不獲無訟而教則何用不臧寬細瑕

為大體復故事為新政小人畏法君子夷心無隱情於

欽定四庫全書

文苑英華卷七百九十八

國家無愧辭於神道堂堂乎大雅之素也初廳壁列先

政之名記而不叙公以為艱難之選將俟俊

後人

謂華

嘗備屬僚或知故實授簡之恩至屬詞之藝寡無以允

副非常之待所報者直質而少文天寶十四年六月十

四日記

御史中丞登記

前人

皇帝受天明命垂五十年大道成俗黎民於變百官設

而無事三辟存而不論振古未然也猶以為成歲賞於

降霜律人本於持憲憲司之拜尤數名實王猷其遂乎

夫祭風俗平寃滯路邪佞延俊一作賢云誰司之職惟

御史亞長曰中丞二大夫以領其屬士馬為伯游之佐

司馬乃令尹之偏古之制也漢儀大夫副丞相以備其

闕參惟國綱解臨府事故中丞專焉意者殄克人之豪

扶一作扶君子之道各行其志無所牽束行止與大臣絕

位指顧則周行振聳政體宜之晉宋元魏以還無御史

大夫由是中丞威望愈尊禮有加等如火烈烈如霜肅

欽定四庫全書

殺不可犯也屬時清無獄朝尚寬政行華忠厚王化根

源周室仁及草木而愷悌流乎頌聲漢文雅一無雅字好黃

老而公卿恥言人過舉盛德而儀刑著矣焉用察察闕

闕以恂主人哉欲以此道行於軍旅故東西幕府皆兼

大夫餘軍多假憲司之號聖皇之志也天寶中君臣於

道德之間又新其化一作他非以尚書左丞張公為大大少

府大卿庾公為中丞天下翕然名教知勸大夫睦中丞

也羽翮得清風之助中丞奉大夫也律呂本黃鍾之宮

者儒碩老罕云過此盛矣公中和備體沉潛經德易直

且武溫文而清遵王路以整多方由夫身而貞百度此

外盡余事也古之制記者先諸德而後諸事至若命官

之始省復之代名號冠綬之差祿秩位員之數辭尚體

要况皆知之今不書省文也華昧學淺藝承命維谷一作俗

非羣言之首非所克堪然故吏一作史也勉以醇德天寶

十四年九月十日記

監祭使壁記 凡制依本作制九 柳宗元

欽定四庫全書

禮檀弓曰祭禮與其敬不足而禮有餘也不若禮不足

而敬有餘也是必禮與敬皆足而後祭之義行焉周禮

祭僕視祭祀有司百官之戒且誅其不敬者漢以待御

史監祠唐開元禮凡大祠若干中祠若干咸以御史監

祠蜀本作祠祠官有不如儀者以聞其刻印移書則曰監祭

使寶應中尤異其禮更號祠祭使俄復其初又凡制供

祠之吏雖當齋戒得以扶一作決 罰由是禮與敬無不足

者聖人之於祭祀非必神之也蓋亦附之教焉事於天

地文粹有示有尊也不肅則無以教故事於宗廟文粹有者

宇示廣孝也不肅則無以教愛事於有功烈者是報德

也不肅則無以勸善凡肅之道自法制始奉法守制由

御史出者也故將有事焉則祠部上其日吏部上其官

奉制書以來告然後頒于有司以謹百事太常脩其禮

光祿合其物百工之役先一日咸至於祠而考閱焉御

史會公卿有司執簡而臨之故其榮盛牲牢酒禮菜果

之饌必實于庖厨鍾鼓笙琴瑟琴擗擊之樂簞簋綴兆

欽定四庫全書文苑英華卷七百九十八

之數必具於庭內樽彝罍洗俎豆醴餼之器必繫于壇

堂之上奉奠之士贊禮之童樂工舞師洎執役而衛者

咸列數其實一作咸列若其實設華朴于堂下以作官刑而群

吏莫敢不備物羅奏牘于几上以嚴天憲而衆官莫敢

不盡誠而祭之日先升立於西階之上以待卒事其禮

之周旋樂之節奏必周知之退而視其燔燎瘞理終之

以敬也居常則飭四方祀貢之物以時登于王府服器

之脩具祠宇之繕理牛羊毛滌之節三宮御廩之實畢

備而聽命焉舊以監察御史之文粹無長居是職貞元

九年十二月御史多闕余班在三人之下進而領焉明

年中山劉禹錫始復舊制由禮與敬以臨其人而官事

益理制令有不宜于時者必復于上革而正之於是始

為記求於文無於簿書得為是職者若干人書焉

諸使兼御史中丞廳壁記

古者交政一作於四方謂之使今之制受命臨戎職有

而無所統屬者亦謂之使凡使之號蓋專焉而行其道

欽定四庫全書文苑英華卷七百九十八

者也開元以來其制愈重故取御史之名一作而加焉

至於今若干年其兼一有御中丞者若干人其使絕域

統兵戎按州部專貨食而乘遠人固王畧齊風俗和關

石其大者數復于內拓定于外皆得以壯其威張其聲

其用遠矣一作威聲用假是名一作以蒞厥職而尊嚴

若是况乎摠憲度於朝端樹風聲於天下一作其所

以翼于一作君正于一作人者尤可以知也武公以厚

德在位甚宜其官視其署有記諸使兼御史中丞者而

多闕漏於是求其故於詔制一作制詔而又質於史氏增益
備具遂命其屬書之且曰由其號而觀其實後之居於
斯者有以敬于事

欽定四庫全書

文苑英華
卷七百九十八

十

文苑英華卷七百九十八

欽定四庫全書

文苑英華卷七百九十九 宋 李昉等 編

廳壁記三

寺監

太常少卿廳壁記一首

鴻臚少卿壁記一首

著作郎壁記一首

秘書郎壁記一首

欽定四庫全書

文苑英華
卷七百九十九

四門助教壁記一首

府署

衍附

京兆少尹西廳壁記一首

右街副使廳壁記一首

寺監

太常少卿廳壁記

獨孤及

太常掌玉帛鐘鼓等威文物以報本乎天地神祇人鬼
集作鬼凡吉凶賓軍嘉之禮唐虞謂之秩宗周謂之宗
作地祇

伯秦謂之奉常漢謂之太常其掌一也後魏太和十五年始建少卿官少小也用別二卿大小之序亦猶宗伯有小宗伯列國有上卿下卿郡有守丞亦謂亞一等以少參長而佐其成務焉故事自御史中丞給事中中書舍人遷秩為亞卿者必於是司故官因職雄地以人貴餘八卿不敢與太常齒廣德中上尤審官注意禮樂其選也以才能不以資以恩澤不以勞謂李公卿材也是用超拜公將以忠孝敬慎肅恭神人且懋其官府政令

欽定四庫全書

文苑英華
卷七百九十九

三

俾無不恪方議酌前賢之遺塵而損益之乃瞻居壁所集作史記漫滅於是夏五月己丑皆姓而名之使如珠之貫盱衡指顧儼若對面曰賢者吾得而師之不賢者吾集作章是而絃之賢遠乎哉既進牘然後命博士河南獨孤及為之志

鴻臚少卿壁記

遜 遜

鴻臚漢官掌蠻夷歸義者致其饗餼辨其等威在周為大行人在秦為典客在漢為鴻臚其屬有譯官及郡邸

丞長洎後魏太和中九寺各置少卿兩員掌副卿事亦由傳稱亞卿書載三少制位或差於伯仲受任同歸於師長成務贊理擇賢而居即其義也帝唐亮采立政稽古命官柔服遠人綏厥有眾肅慎來賀渠授即叙示之以干羽通之以冠帶允諧是職豈易其人非夫野王之政理立成之經術德儒之明識元方之令望則曷由臻茲蘭陵蕭公朝之俊德觸邪秉憲人之雅重草議為郎入掌王言出膺方牧帝咨惟允公實來斯且有黃華之

欽定四庫全書

文苑英華
卷七百九十九

三

命適表蕙人之美乃求舊官守數陳代遷明授任之有章示名器之無假自嗣聖已後記於壁焉

著作郎壁記

李 華

化成天下莫尚乎文文之大司是為國史職在褒貶懲勸區別昏明故駟牧頌於魯侯析招諷於楚子史官之任有述作焉蓋王者之元符生人之極教也昔沮誦一作倉頡為黃帝史臣文字以異疑其來尚矣若南正北正建于顓頊義氏和氏命于唐堯更虞夏商代序天地

周官宗伯之屬有太史正歲年以序事小史奠系代辨
昭穆內史受納訪以詔王聽理外史達書名于四方前
志所載有左史記事或歲王之闕或司過於朝所典不

同其納君於善一也傳曰天子有日官則史逸史伯

疑作

史在齊董狐在晉邦司之直也其事舉則三靈不惡其

政息則百度惟危故先王貴之至于漢廷參用周禮太

史公既歿其子遷緘金匱石室之文焉降及東京永平

欽定四庫全書

文苑英華
卷七百九十九

四

中特詔班固著作東觀繼其事者楊彪蔡邕由是太史

但掌天文律歷而已小雅寢周聖人生魯道尊而文武

將暨德至而天地不通感於獲麟嘆於與蜡爰制國典

立明傳之因歷象以正時元假鬼神而討有罪善人勸

焉淫人懼焉百代之英所由用也向若前代闕能文之

史曠記事之官雖舜禹之烈無聞焉有國有家何以直

道而行也魏太和年肇以著作名官為中書屬晉元康

年改隸秘書朝服單衣介幘始親職必選名臣傳歷宋

齊梁陳官品第六元魏高齊周隋秩從五品魏則王沉

以侍中兼之衛凱以尚書帶之至于有晉若史材之美

陳壽自佐郎遷元舅之尊庾亮以中書領宋則徐爰何

承天齊則沈約裴子野梁則陸雲公姚察陳則顧野王

張正見後魏則崔光高允北齊則邢子才魏收周則蘇

亮柳蚪隋則虞綽王邵皆一朝名選也貞觀初詔梁文

昭公鄭文貞公統英儒盛才脩五代史天子親垂筆削

與春秋合符魏魏乎史氏之光權也因是開館於內別

文苑英華
卷七百九十九

五

立史官多以著作郎領帶其職而舊司所掌唯碑誌祭

祀一作宗祀之文在焉然以其能綜群言且居百乘出典下

國轉為郎官經緯斯文昭宣有政或上遷秘書少監或

擢拜中書舍人固不易其任也天命元聖降而為唐唐

之建官罔非俊乂若虞永興德誦大雅魏侍中才高王

佐鄭吏部絕韻鏘鳴崔司業雄詞飛動皆歷焉今上燕

帝王之極功懿文武之能事思所以比崇軒轅紹美唐

虞潤色乎大猷發明乎皇道問誰獻箴則賓客崔氏問

誰執簡則恒傳疑吳公胡諭德遊刃詩騷韋庶子貫珠

今古濟濟多士時惟東文盛矣哉同風乎雅頌也名岳

已遷別封天柱舊章不改尚列周官登陟遂來之峯循

環藏室之真從容簡貴信君子保明弘道之司歟今大

著作清河崔公名傑天寶三載自秘書郎拜開天祿之

圖書踐人文之苑園澡身於三德研慮於六經執謙而

尤好善能擇惠風吟於秀水朗月鏡於安流代為元臣

家曰茂緒壯宮室者必鄧林之條幹乎以儒雅之姿從

欽定四庫全書

文苑英華
卷七百九十九

六

班荅之後揮綽令譽達于清朝則百祿隨之曷其有極

矣先是命官之記不列于齊以華職忝未班與聞前志

拜命之辱敢叙官之守云時天寶七載二月辛亥記

秘書郎登記

權德輿

按六典秘書郎四人從六品常分掌四部書以甲乙丙

丁為之目昔武帝聚天下文籍於廣文粹作庫非內謂之中

秘書魏晉之際秘書與中書或分或合故云職近日月

宜居三臺之上丞郎之位文粹作在與南宮相亞歷代辨論

與時輕重國初思漢廷延閣之制薄江左貴將之選始

以岑江陵虞永興褚河南迭為之厥後彬彬多文學之

士然則先王之法志官師之訓典九流百代如貫珠然

學與仕皆優而旋相為用者其在茲乎今年春榮陽鄭

君具瞻自涇陽尉丞詔授任鄭君實重而有敏行坦夷

而含明識且令中書相君之令弟也方以結綬滿歲調

於選部言吏資者積三遷而後至今起居之有以見申

恩文粹作擇賢審官與怡怡綽綽之道為盡美矣在晉鄭默

欽定四庫全書

文苑英華
卷七百九十九

七

中外三閣始刪煩集作繁文而朱紫不離開元初君之王

考頴川府君叔祖刑部府君皆繇禮官博士繼登其任

諸父諸兄或解巾以司警校或功次而奉朝請文粹作或決科

而登館殿含章筮仕多在於斯猶桓公武公之代為卿士蓋

善於其職而宜之之文不疊義也謂鄙人嘗學舊史能

知書府官業之所繇是俾編次郎位彰施屋壁時貞元

庚辰歲秋九月記

四門助教登記

柳宗元

周人置虞庠于四郊以養國老教胄子祭統曰天子置

集本文四學蓋其制也易傳太初篇曰天子旦入東學

群作設畫入南學夕入西學暮入北學蔡邕引之以定明堂之

位焉大戴禮保傳篇曰帝入東學以貴人集作仁入南學

以貴德入西學以貴信工本入北學以貴作尊爵賈生

述之以明太子之教焉故曰為大教之官而四學具焉

叅明堂之政原大教之極建置之道弘也後魏太和中

立學于四門設工本助教二十人隋代工本始隸於國

欽定四庫全書文苑英華卷七百九十九

子而降置五人皇朝始合于太學又省至三人員位彌

簡其官尤難非儒之通者不列也四門學之制掌國之

上士中士下士凡三等侯伯子男凡四等其子孫之為

胄子者及庶人之子為俊士者使執其業而居其次就

師儒之官以二本考正焉助教之職佐博士以掌鼓篋

板楚之政令分其人而教育之其有通經力學者必於

歲之抄升於禮部聽簡試焉課生徒之進退必酌于中

道非博雅莊敬之流固不得臨於是故有去而升於朝

者賀秘書由是為博士歸散騎由是為左拾遺舊制與

集作拾遺為八品清官故必以名實者居於其位貞元

中王化既成經籍少間有司命大學之官頗以為易專

名譽好文章者咸恥為學官至是河東柳立始以前進

士求署茲職天水武儒衡閩中歐陽詹又繼之是歲集

為四門助教凡三人皆文士京師以為異余與立同祖

與武公同升禮部與歐陽生同志於文四門助教署未

嘗紀前人名氏余故為之說集作而由夫三子者始文

欽定四庫全書文苑英華卷七百九十九

二字有字爾

府署街附

京兆少尹西廳壁記

權德輿

漢制三輔丞秩六百石至東漢秩千石魏晉為京兆郡

則曰治中至隋則曰司馬又曰贊始集作國家公前代

之故再更其名至開元初命為少尹其員二其品四綱

紀衆務而分貳之上助官師表則之重而佐其慈惠下

董掾史屬城之理而推其功善大積而不撓集作中行

而有倫和協輯睦宣明教令非文行政事之全者不得

居之貞元十六年春二月詔弘農楊於陵字達夫自吏

部郎中蒞其職先是達夫之佐元侯也四入御史府登

天臺也五為劇曹郎懿文青華履行直溫折中憲令充

勤細大是宜典司名名列侍左右而猶以吏理揚歷於

浩穰之府抑天之愛人俾履露子轂下耶或姑閱其能

而將大授之耶初西少尹視事之堂大歷中其長黎氏

以勝勢之近取為亭治故移創於是自後嚴官罕備居

欽定四庫全書

文苑英華
卷七百九十九

之者不推本所代而斯宇浸廢及達夫之拜未決日其

僚繼之於是達夫微缺員以循舊常弘必革以辨攸處

用宿其業而脩其方凡所顯督武備廐置刑書糾禁工

徒啓塞三右曹之事大凡天子縣內之理無不贊也無

不抗也稱職者或退其品而遷於近侍或進其材而擢

為大吏佐六官分十聯皆其遷次然也集無也字以舊記埋

落慮失其傳今斷自大極元年而下列其名氏歲月俾

風來集作風來相屬且為故志云

右街副使廳壁記

歐陽詹

使有副副之為言繼也其不繼之輔也所以繼其或缺

而又輔其違焉其亦摠使之務歟皇朝集無此字街使之副

其職大矣天子外有六合故內闕六街以達之彼為庭

除此為堂室欲靜諸外必先諸內乃置使以清之我唐

新典也蓋以警正天衢糾迷王憲領環游式道集作局之

卒專扞敵徵巡集作徇之令夫京師豪傑英賢集作俊之都

會蠻夷戎狄之來革排輪重足憑衆多撓我防則尸伊

欽定四庫全書

文苑英華
卷七百九十九

動必由我察則目伊瑕必見錄是九城之中乘避貴員

敬長金玉可拾遺則猶土幼弱可欺遇則如傷出門若

有賓讓路若有神雲與鳥合而無暴自東自西以咸遂

憧憧焉斯焉而能一作掌在其中悖悖焉斯焉而謹在其

中六合澄晏六街源之則街使之功副使攸同也貞元

八年上以元舅兵部尚書大金吾濮陽公兼右街使俾

訪忠良以自佐濮陽公先以節行遷次以材能擇加之

以更歷因之以故舊得建州別駕前尚衣奉御高陽許